

Skrifstofa Alþingis - nefndasvið  
velferðarnefnd  
Austurstræti 8-10  
101 Reykjavík



Kópavogur 29. apríl 2021

Umsögn um frumvarp frá heilbrigðisráðherra til laga um breytingu á lögum um ávana- og fíkniefni, nr. 65/1974 (Iðnaðarhampur) lagt fram á 151. löggjafarþingi 2020-2021 mál 644.<sup>[1]</sup>

**Bindindissamtökin á Íslandi eru alfarið á móti þessu frumvarpi** sem er til þess fallið að draga úr góðum árangri forvarna á Íslandi. Það að leyfa framleiðslu kannabisjurta dregur úr tilfinningu fyrir áhættu sem fylgir kannabis og eykur neyslu vímuefna sem dregur úr lýðheilsu.

Notkun kannabis á Íslandi hefur dregist saman síðustu áratugi og er lítil í dag vegna forvarna sem styðjast við sterka löggjöf sem heldur utan um framleiðslu, dreifingu, sölu, kaup og vörslu efnisins. Það er eðlilegt að kannabis verði í öllum myndum áfram flokkað sem ólöglegt vímuefni.

Hér er fjallað um málið án þess að horfa eftir áhrifum sem það hefur á líf barna og er það í mótsögn við Barnasáttmálann<sup>[2]</sup> sem við minnum á að Alþingi á að vinna eftir.

Erfitt er fyrir leikmenn að greina milli tegunda kannabisplantna. Einnig er erfitt er fyrir opinbera aðila að mæla innihald THC í kannabisvörum og fá mælitæki til þess á Íslandi.

IOGT á Íslandi vitnar í þær umsagnir sem hafa verið sendar inn að undanfögnu<sup>[3]</sup> vegna sífelldra árása á forvarnir á Íslandi. Forvarnir á Íslandi hafa verið til fyrirmyndar í áratugi og skapað kynslóðir sem hafna neyslu áfengis og annara vímuefna.<sup>[4]</sup>

Gríðarlegt magn af röngum upplýsingum eru umferð um kannabis. Umfjöllunin er mjög villandi og ganga þeir harðast fram sem vilja lögleiða vímuefni. Áberandi er hve víða laufblað kannabisplöntunnar er notað í kynningu á iðnaðarhampi og að hvetja til neyslu á THC.<sup>[5] [6]</sup>

IOGT á Íslandi hefur gefið út þýðingu á bók Pelle Olsson 8 mýtur um kannabis þar sem komið er inn á mýtturnar sem haldið er á lofti af þeim sem vilja hagnast á sölu kannabis.<sup>[7]</sup>



**IOGT á Íslandi** hvetur ráðamenn að skoða miklu betur mál er varða forvarnir gegn áfengi og öðrum vímuefnum. **Lýðheilsumat** er mælikvarði sem ætti hiklaust að taka upp hið snarasta til að koma í veg fyrir að ráðamenn leggi fram mál sem eyðileggja svo mikið fyrir samfélaginu.

Vímuefni eru með helstu hindrunum sjálfbærrar þróunar mannkyns. Þau hafa neikvæð áhrif á allar stoðir samfélagsins (umhverfi, efnahagur og samfélag) og snerta við öllum hliðum samfélagsins. Vímuefni stefna mannauði í voða, grafa undan hagvexti, veikja innviði samfélagsins og eru gríðarlegt byrði á heilbrigðiskerfinu.<sup>[8]</sup>



Heildarstefna í forvörnum ætti að taka gildi sem skýr viðmið að draga sem mest úr neyslu áfengis og annara vímuefna.

**IOGT á Íslandi** lýsir sig fúsa til að leggja lið við vinnu við að undirbúa stefnuna þar sem IOGT á Íslandi er hluti af stærstu forvarnasamtökum heims **Movendi**.

Björn Sævar Einarsson formaður Bindindissamtakanna IOGT á Íslandi

[1] <https://www.althingi.is/altext/151/s/1107.html>

[2] <https://www.barnasattmali.is/>

[3] <https://www.althingi.is/altext/erindi/150/150-643.pdf>

[4] <https://rannsoknir.is/>

[5] <https://informationisbeautiful.net/visualizations/snake-oil-cannabis-the-scientific-evidence-for-medical-marijuana/>

[6] [https://www.unodc.org/documents/drug-prevention-and-treatment/Youth%20Initiative/FACT\\_SHEET\\_1\\_cannabis.pdf](https://www.unodc.org/documents/drug-prevention-and-treatment/Youth%20Initiative/FACT_SHEET_1_cannabis.pdf)

[7] <https://ioqt.is/2021/04/29/8-mytur-um-kannabis/>

[8] <https://www.heimsmarkmidin.is/>